



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Avla ... Thesavorvm Dei In Passione D. N. Iesv Christi  
Effusorum ad Resvrrectionem Mvltorum**

**Eyschen, Georg von**

**Coloniæ, 1658**

§. 35. Erat æutem Caiphas, qui consilium dederat Iudæis. v. 14.

**urn:nbn:de:hbz:466:1-45556**

§.34. Erat autem sacer Caipha, qui erat Pontifex illius anni. v. 14.

Continuat Euangelista describere Annam & Pontificem quod nimurum esset Pater uxoris seu nuptæ Pontifici anni illius, hoc enim importat nomen sacer. & hac descriptione S. Ioannes multa nobis utilia leggerit, bene perpendenda. 1. quod Annas ille fuerit similis farinæ homo cum Caipha, quia si hoius iniquitatem verè odisset Annas, non dedisset unquam ei invasori sui Pontificatus suam filiam in uxorem. 2. quod iste Annas sit homo valde ineptus, qui de Pontificatu ludorum amotus, suo amulo communicando tam arcte probavit suam deiectionem & alterius insinuationem contra legem Mosaicam, ex illa tamen Annae malitia hoc boni licuit Deus, quod valor Passionis Domini multum fuit stabilitus. Si enim Annas siue Ananus, ut Iosephus eum vocat, fuit legitimus Pontifex, & iniuria deiectionis est, & succedentibus tribus brevi tempore substitutus Iosephus Caiphas, non fuit legitimus Pontifex, bene factum est, quod id Annam omnium primum ductus fuit, ne nobis Christianis postea obisci posset, quod à Pontifice non legitimo, sed invasore Christus esset damnatus & ideo non esse Christum verum agnum paschalem, ut ipse à non legitimo Pontifice immolatum, &c. talia quæ dici possent per istam adiunctionem ad Annam fuerunt valde efficaciter impedita, quoniam Annas ipsem, alias legitimus Pontifex, Christum Dominum palam ad ledicendum, ad Caipham transmisit, velut suum vicarium, vel, ut Pontificem faltem toleratam.

**D**omine Iesu dulcissime, cuius potentia & imperio omnia curvantur, cuius majestas ita est inclinata, ut pro me ab inimicis tuis capi, ligari & tradi dignareris, & interea sapientissime cavisti, ne tuæ Passionis valor politicis subtilitatibus & disputationibus de iure & competencia legitimus dicas evanquaretur, tibi gratias immensas ago pro ista tua providentia, & illi me totum subdo & committo, quoniam maior est quam omnis totius mundi sapientia collecta.

§.35. Erat autem Caiphas, qui consilium dederat Iudeis, v. 14.

Post Annam etiam depingit nobis S. Ioannes ipsummet Caipham, sive illegitimus, seu legitimus Pontifex fuerit; ac primo à nominis descriptione ordiendo, interpretatur sagax aut romens ore, quia consilium dedit Iudeis, velut rector, vel ut vice Pontifex Ecclesiæ Mosaicæ; quod consilium revera erat ipsius spiritus sancti dictamen; sed quoniam ipse erat corde malus aliter illud proferebat, quam Spiritus S. & ideo bene sagax dicitur quia verum dixit, Et ore romens, quia quod verum dixit, corde penitus solo

culo ore evomuit consilium, in destructionem corporis Iesu & viræ intendens, agitante eum superbia, odio & invidia & non in bonum generis humani, quod spiritus S. Christi morte intendebat, ut nimirum mediante morte Christi toto orbe filius Dei, & agnosceretur a populo, pro Salvatore & Messia mundi & coleretur. Idem igitur fuit verbum & consilium Spiritus sancti, quod & Caiphæ; sed longe dissimili modo & intentione prolatum. Quoniam Caiphas per mortem Christi intendebat eiusdem de honorationem atque abolitionem & eradicationem de terra viventium, ut ipse Caiphas retineret populum Indiaicum sibi subditum & devotum a moto Christo; sed spiritus S. intendebat ut morte Christi intercedente omnes populi terrarum salvi fierent, & Christus pro eo quod animam suam posuisset, oratione ad se traheret & videret semen longavum & fieret ipse Pontifex in locum veteris Pontificis.

Ecce tam diversas intentiones & sensus habuerunt Spiritus S. & Caiphas sub eodem verbo externo, sive sub eadem litera. Quid igitur mirum est, si hodieque sub iisdem verbis sacrae Scripturae, alium habet sensum pravum haereticus, volens manifestare & sibi congregare, atque Catholicus, volens salvare & congregare Christo Domino, sensum bonum habeat. Noli igitur seduci Christiane, noli decipi, si audis verbum Domini; verbum Domini. fuit verbum Dominicum, quod Caiphas dixit contra Christum, & fuit verbum Domini quod dixit pro Christo eodem Spiritus S. sed aliter iste, alter hic dixit. multum referre quomodo aliquid dieatur. Hoc plebs nominat, ideo eam facile seductor Caiphas capit, & tenuit.

O Domine Iesu da mihi sedium tuarum assistricem sapientiam, que mecum sit, mecum laboret, ut intelligam quæ sunt præcepta & voluntas tua. Illumina intellectus mei tenebras, ut videam quæ videnda sunt, intelligam quæ sunt intelligenda ad gloriam tuam & meam salutem, & qui es æterna Dei Patris cœlestis sapientia, per quem omnia creata sunt & qui cum ipso in unitate spiritus sancti, es Deus, & caput unicum; qui etiam Petrum inter Apostolos in unicum Pastorem omnium tuarum & post ipsum unumquemque electum Pontificem in tuum vicarium habere voluisti, ad quem velut ad summum totius Christiani nominis Magistratum, quilibet se pro negotiis, ac causæ qualitate recipiat; oro te suppliciter, ut illum ad populi tuigubernationem, Ecclesiasque tuæ utilitatem salvum & in colum bonitate tua, ut gratia conserves, ut sub eodem erecta sincera, ac vera fide & religione gubernemur & in fidei meritis crescamus iudicis & adolescentibus. Amen..